

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis


Schöpflin, Johann Daniel

Carolsruhae, 1765

LXXIX

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

num, & Prepositum Basiliensem, & alios, quos eisdem duceres adjungendos fuit a te, ac Duce prædicto, tamquam in Arbitros compromissum si noster super hoc interveniret assensus. Quare nobis humiliter supplicasti, ut cum per arbitrium ipsum credas Ecclesie cum commoda provenire, tibi super hoc providere misericorditer dignaremur. Quo circa fraternitati tue per Apostolica scripta mandamus, quatenus non obstante juramento, quod de revocandis possessionibus, quas idem W. minus licite alienaverat corporaliter præstitisti arbitrium ipsum, si Ecclesie tue videris expedire, de licentia nostra subeas Capituli tui super hoc interveniente consensu. — Datum Laterani III. Idus Martii Pontificatus Nostri Anno secundo.



LXXIX.

BULLA AUREA FRIDERICI II. IMP. CIVITATI BERNENSI CONCESSA, IN QUA DE CONRADO ET BERCHTOLDO V. DUCIBUS ZARING. FRIBURGI IN BRISGOVIA ET BERNÆ CONDITORIBUS HONORIFICA FIT MENTIO.

ANNO MCCXVIII.

Fridericus Dei gratia Romanorum Rex & semper Augustus & Rex Sicilie; Dilectis devotis Sculteto consulibus & universis Burgenfis de Berno in Burgundia, gratia sua & omne bonum.

Quum *Berchtoldus Dux Zeringie* Burgum de Berno construxit cum omni libertate, qua *Conradus* Friburgum in Brisgau construxit, ac libertate donavit secundum Jus Coloniensis Civitatis, Heinrico Imperatore confirmante, & cunctis principibus corone Romani Imperii, qui aderant consentientibus, notum fieri volumus Vobis & universis presentem paginam usque in ævum inspecturis, quod nos autoritate regie celsitudinis ipsum Burgum de Berno & universos Burgenses ibidem nunc commorantes & postmodum illuc transmeantes, in nostrum & Imperii Romani Dominium recepimus & defensionem, in perpetuum vos liberos facientes & posteros vestros & absolventes ab omni servitii exactiōe, qua oppressi fuistis, nisi tamen à censu domorum & arearum vestrarum, videlicet de qualibet area centum pedes in longitudine & sexaginta in latitudine habente duodecim denarios usualis monetæ singulis annis de fundo Imperii persolvendos, per cujus census solutionem vos & posteros vestros liberos esse volumus ab omni alia servitii exactiōe à nobis & à cunctis successoribus nostris vel nostris Vicariis & hanc libertatem & immunitatem vobis & posteris vestris potestate Regia confirmamus.

Demum omnia supra scripta Jura & Libertates, nec non & illa omnia, per que & in quibus *Cunradus Dux Zeringie* Friburgum in Briscaugia construxit & libertate donavit, secundum Jus Coloniensis Civitatis juramento prestitō cum duodecim nominatissimis ministerialibus suis super sancta sanctorum & insuper manu dextra sua data in manum liberi viri nomine juramenti, quod ipse & posterī sui ipsis semper eadem jura inviolabiliter observarent nec ulla ratione infringere nec

non & illa Jura & Libertates, que Berchtoldus Dux, quondam Dominus vester dedit & confirmavit, & insuper omnia Jura, & Libertates, que in Rodalibus vestris communi & sano consilio decreveritis apponenda vobis & cunctis posteris vestris, auctoritate Regia concedimus & confirmamus presentibus & annuentibus Corone nostre Principibus videlicet Dei gratia Metensi & Spirensi Episcopo Cancellario nostro, eadem gratia Bambergensi Episcopo, Lodevico de Detingen (Oetingen) Gotfrido de Hochenlou, Anselmo de Justingen, Consiliario Curie nostre, magistro Cunrado de Ulma notario nostro, Eberhardo de Winterstetten Pincerna, Cunrado de Walpurch Dapifero - - - de Papenheim marescallo nostro & aliis quam multis Principibus & fidelibus nostris laudantibus & assensum prebentibus universis.

Vt autem hæc à posteris nostris rata & firma permaneant & in perpetuum illibata, presens instrumentum vobis & posteris vestris conscribi & dari fecimus, & sigillo aureo nostre Regie Celsitudinis communi. Datum apud Franckenfurth anno gratie MCCXVIII. septimo decimo Kalend. Maji. Sexte Indictionis.